



## Universitätsbibliothek Paderborn

**Doctor Mellifluus S. Bernardus Magnæ Matris Cultor  
Eximus, Et Ex Ordine Sancti Benedicti Sacellanus  
Quartus. Sive Ea quæ Doctor mellifluus de laudibus  
Virginis Matris scripsit in gratiam magnæ ...**

**Bernardus <Claraevallensis>**

**Nevhvsii, MDCLXXV.**

Sermo III. In Antiphon. Salve Regina. Tom. 5. pag. 291.

**urn:nbn:de:hbz:466:1-37156**

siderant Angeli prospicere dicentes: *Cant. 4. Tota pulchra es amica mea, & macula non est in te.* Sed intueamur te largientem beneficia, conferentem remedia, medentem contritis corde, ponentem fortitudinem lugentibus Sion, dantem coronam procinere, oleum pro luctu, pallium laudis pro Spiritu mœroris. Nec mediocris visio ista, piam te & deprecabilem experiri, mærentiumque suspiria munere gratiae consolari. Sonet hæc vox tua in auribus nostris. Vox hæc tua dulcis, & hæc facies tua decora. Nam in illo decore te videre, quo induit te Dominus fortitudinem, & præcinxit te, non est hujus temporis, nec temporis vitae nostræ vitiorum fœtore sordentis. Stolâ immortalitatis te indutam videre Domina indigni sumus: ostende nobis faciem miserationum tuarum, & salvi erimus. Quod ipse nobis præstare dignet, cuius regnum & imperium sine fine permanet in secula seculorum, Amen.

### S E R M O III.

In Antiphon. S A L V E R E G I N A.

*Tom. 5. pag. 291.*

*Infreta dum fluvij current, dum montibus umbræ  
Lustrabunt, connexa polus dum sydera pascent,  
Semper honos nomenq. tuum laudesq. manebunt  
Spes mea Virgopia, Virgo sacra. Virgo Maria.*

**E**T non amplius? Amplius multum, & per omnem modum. Nam in æternum & ultrà non deficiet laus tua de ore hominum, etiam & Angelorum, *Psal. 8. Cæli enarrant gloriam tuam.* Et quæ major in omni gloria Dei, quam ineffabilis plenitudo cœli. Et nos cum ipsa, id est, cum Angelis & Archangelis, cum Thronis & Dominationibus, cumque omni militia cœlestis exercitus, hymnum gloriæ Sanctæ Sanctorum canimus. Illi gloriam, nos

nos hymnum gloriæ. Illi gloriam quam præsentes vident, in ju-  
bilo cordis invicem enarrant: nos hymnum tantummodo glo-  
riæ, id est, memoriam eructamus abundantia suavitatis tuæ. Et  
opera manuum ejus annuntiat firmamentum. Fiat, inquit, Gen. 1.  
firmamentum, & dividat aquas ab aquis. Omnibus firmamentis  
firmius firmamentum tu Domina; quæ eum, quem cœli cœ-  
lorum capere non poterant, cepisti & concepisti: portasti & non  
defecisti: genuisti, aluisti, pavisti, mammasti & educasti. Tu in  
medio aquarum divisisti aquas ab aquis, affectus videlicet æter-  
norum ab affectibus temporalium. Tuam enim animam per-  
transivit gladius, ut reveletur ex multis cordibus cogitationes, Luc. 2.

Posuit in hoc firmamento Deus solem & lunam, Christum  
& Ecclesiam, & stellas prærogativas gratiarum multas. Lauda-  
mus Dominum in sanctis ejus. Firmitas, robur, & constantia, &  
fortitudo mentis ejus, quia mundi contempsit gloriam, carnis  
calcavit illecebras. Virtus est Altissimi, de qua scriptum est  
Luc. 1. Et virtus Altissimi obumbrabit tibi. Non solum autem cœ-  
lum & firmamentum Domina rerum intelligitur, sed aliis nomi-  
nibus convenienter appellatur, & rerum vocabulis designatur.  
Ipsa tabernaculum Dei, ipsa templum, ipsa domus, ipsa atrium,  
ipsa cubiculum, ipsa thalamus, ipsa sponsa, ipsa filia, ipsa arca  
diluvij, arca testamenti, urna aurea, ipsa manna, virga Aaron,  
vellus Gedeonis, porta Ezechieli, civitas Dei, ipsa cœlum,  
ipsa terra, ipsa sol, ipsa luna & stella matutina, aurora ipsa & lu-  
cerna, tuba & mons, fons quoque hortorum, & lilium conval-  
lium. Desertum ipsa, & terra re promissionis lacte & melle ma-  
nans, stella maris, navis quoque via in mari, sagena, vinea, ager,  
arca, horreum, stabulum, præsepe, subjugale, apotheca, aula,  
turris, castra, acies, populus, regnum, facetdotium. Ovis est,  
pascua est, paradisus est, palma est, rosa est, fluvius est, potus est,  
columba est, columna est, vestis est, margarita est, candelabrum

brum est, mensa est, corona est, sceptrum est, panis est, oleum est, vinum est, arbor est, virga est, cedrus est, cypressus est, plananus est, cinamomum est, balsamum est, myrra est, thus est, oliva est, nardus est, crocus est, fistula, calamus, & storax est, soror & mater est. Et ut breviter concludam, de hac & ob hanc, & propter hanc omnis scriptura facta est, propter hanc totus mundus factus est; & hæc gratia Dei plena est, & per hanc, homo redemptus est. Verbum Dei caro factum est, Deus humilis, & homo sublimis.

Ad te ergo tantam ac talem, Domina rerum, Sancta Sanctorum, Regina cœlorum suspiramus gementes & flentes in hac lacrymarum valle. Tertia hæc positura carminis hujus est quod explanandum assumpsimus. Suspiria, gemitus & fletus compunctionis; sunt species seminum justitiae. Seminate vobis, inquit Osee. 10. adjustitiam: metite spem vite, & illuminate vobis lumen scientiae. Euntes, inquit Psal. 125. ibant & flebant, mittentes semina sua. Suspirium, vox inarticulata, gementium gemitus, dolentium fletus, has sedes habent. Tria sunt hæc quæ benè gradinuntur in irriguo inferiori, & quartum quod feliciter incedit, vallis scilicet lacrymarum: Sedes irrigui superioris hæc est. Verus Calephir dat utrumque filiæ suæ asello residenti, Iosue. 15. Et tu fraspiras ad hæc, comprime motus irrationalib[us] sensualitatis & corporis, motu rationis. Abscinde à te concupiscentiam carnis, oculorum, potestatis, & honoris. Abjice mundi pompam & sarcinam, edoma carnem, disciplina spiritus, in arctum tua desideria constringe, non abeas in consilio impiorum, in via peccatorum non stes, in cathedra pestilentiae non sedeas psal. 1. Apprehende humilitatem, ut sis pauper spiritu, ferales corrigere mores, & esto mitis. Tunc transito Jordane ingredieris terram reprobationis, quæ est compunctionis. Sic in tertio loco octo beatitudinum dicitur Matth. 5. Beati lugentes, quoniam ipsi consolabuntur.

Quarto

Quarto die resuscitatus est Lazarus: quartâ vigiliâ venit ad discipulos Iesu. Et tu fac tibi vigilias quatuor, ut resusciteris & veniat ad te Iesus: duas timoris, pudoris duas. Cogita Deum Creatorem tuum, cogita Benefactorem, cogita Patrem, cogita Dominum. Ad singula reus es, plange ad singula, ad singula e-vigila, & singulorum horum singuli intellectus, quasi singuli in mente dies sint, in quibus quasi Lazarus mortuus eras, quasi fætabas. Dum per singulos lacrymaris, quasi in quarto resuscitaris. Primum & ultimum extinguunt timorem: media duo pudorem. Pater sanè non metuitur, cùm pater sit: pater est semper misereri & parcere. Paterna vox est: *Deut. 32. Percutiam, & ego sanabo.* Non est proutdè quod à patre formides. Si quando ferit, emendat, non vindicat. At cogitantem quòd patrem offenditur, est certè quòd pudeat, & si non quòd terreat. Voluntariè te genuit verbo veritatis, *Iacob. 1. deinde non pepercit Unigenito Ioan. 3.* ut prospicit genito. Ipse quidem Patrem ita exhibuit se tibi, sed non tu illi æquè filium. Quâ fronte attollis jam oculos ad vultum Patris tam boni, tam malus filius? Pudeat indignè gessisse generi tuo: pudeat tanto Patri vixisse degenerem. Exitus aquarum deducant oculi tui, operiat confusio faciem tuam. Vultum tuum pudor suffundat, occupetque caligo: deficit in dolore vita tua, & anni tui in gemitibus. Proh dolor, quem fructum habuisti in illis, in quibus nunc erubescis? Si in carne seminasti, de carne messuisti corruptionem. Si mundus ipse transit, & concupiscentia ejus, confundere ad illam vocem quæ dicit *Mal. 1. Si ego pater, ubi honor meus?* Hoc de honore patris. Nunc ad beneficia veniendum. Ut alia innumera ta-ceam, hujus corporis victum, & temporis usum hujus; & super omnia sanguininem dilecti Filij sui clamantem de terra; pudeat ingratitudinis. Quid retribuisti Domino pro omnibus, quæ retribuit tibi?

T 3

Ad

Ad timorem quoque veniamus: Si pudor minùs partes suas exequitur, excitetur ut excitet. Sepone pia vocabula benefactoris & patris, ad austeriora convertere. Nam qui legitur 2. Cor. 1. *Pater misericordiarum, & Deus totius consolationis:* legitur Psalm. 93. *nihilominus, Deus ultionum Dominus:* & legitur psalm 65. *terribilis in consilio super filios hominum.* Quod Pater est, quod beneficis est, tibi est: quod Dominus ac Creator, sibi est. Etenim propter semetipsum fecit omnia, Proverb. 16. Quia ergo quod tuum est, tibi defendit & servat; putas principatus sui non requiret honorem? Requiring usque ad novissimum quadrantem; requiring & retribuet abundanter facientibus superbiam. Requiring à redempto servitium; honorem & gloriam ab eo, quem plasmavit. Esto quod dissimulet, & pater ignoscat beneficis, sed non Dominus & Creator. Pensà cujus sit formidinis & horroris, tuum atque omnium contemptisse factorem, contemptisse Dominum majestatis. Tangit montes & fumigabunt, psal. 103. Et tam tremendam majestatem audet irritare vialis pulvis, uno levi flatu dispergendas, & minimè colligendas? Time gehennam, time judicis vultum. Contremisce ab ira potentis, à facie furoris ejus, à fragore ruentis mundi, à conflagratione elementorum, à tempestate valida, à voce Archangeli, & à verbo aspero. Contremisce à dentibus bestiæ infernalis, à ventre inferi, à rugientibus præparatis ad elcam. Time vermem rodentem, ignem torrentem, fumum & vaporem, & sulphur & spiritum procellarum: time tenebras exteriores & dico Hie. 9. *Quis dabit capiti meo aquam, & oculis meis fontem lachrymarum;* & præveniam fletibus fletus, & stridores dentium & manuum, pedumque dura vincula, & pondus catenarum prementium, stringentium, urentium, nec consumentium? Heu mater mea, cur me genuisti filium doloris & amaritudinis, indignationis & plorationis?

Qui

Qui sic afficitur dupli metu isto & dupli pudore, quatuor vigilias facit in mente, seu quatuor diebus intus illustratur, in quorum quarto quasi Lazarus quatriduanus resuscitatur. Et sicut de uno fonte paradisi oriuntur quatuor flumina, quæ irrigant terram, *Gen. 2.* Sic quatuor affectiones istæ ortæ de uno fonte compunctionis plenitudinem consumunt irrigui inferioris. Pariunt enim suspiria, gemitus & fletus, quæ dum pro defectu virtutum aguntur, dicuntur irriguum inferius. Superius autem irriguum, est vallis lachrymarum. Pinguis infusio hæc cœlitus irrorata, nec extorta, nec coactitia, pluvia voluntaria est, quam segregavit Deus hæreditati suæ *psal. 67.* Aquæ istæ sunt, quæ egrediuntur de templo à latere dextro, *Ezech. 47.* & fluunt impetu de Libano *Cant. 4.* fluunt etiam de fonte paradisi, divisi in quatuor capita. Paradisus conscientia justi est, quam non urit cura pungens, nec culpa remordens: quam non attenuat sensus egens, quam non grandinant corporearum rerum irruentia phantasmata, fide florida, virtutibus fructifera, opinione odorifera. Hujus de medio fons oritur, dum virtus integritate solidatur. Hæc deinde dividitur in quatuor capita, justitiam, prudentiam, fortitudinem, temperantiam. Justitia fodit in altum, & querit aquas irrigui superioris, prudentia invenit, fortitudo vindicat sibi; temperantia possidet. *Justitiam* dico esse genus ad omnia præcepta Dei: *Prudentiam* divinarum, humanarumque rerum scientiam: *Fortitudinem* vigorem mentis inter adversa & prospera erectum: *Temperantiam* inter velle & nolle, nosse parum & nimis, citra & ultra discretionem. Legitimè hæc custodita perfectum faciunt virum, cupientem dissolvi, & esse cum Christo, qui dicat *Psal. 119.* *Heu mihi quia incolatus meus prolongatus est:* & *Psal. 41.* *Sicut vit anima mea ad Deum fontem vivum.* Fons iste fons patens est domui David in ablutionem peccatoris & menstruæ, *Zach. 13.* Hic est fons quem foderunt principes multitudinis,

quos

quos commemoravimus, justitia scilicet, fortitudo, & tempe-  
rantia in datore legis, id est compunctione: & in baculis suis, id  
est in vigore solidō perfecta integratatis.

Mens itaque à vitiis purgata, Deum sitiens jugiter, & ipsius adventum in se suscipiens, frequenter delectata tantæ suavitatis inenarrabili dulcedine, quia pro velle suo semper eam habere minimè valet, miro dolore afficitur, & hæc ei consolatio, ut præ ejus desiderio jugi lachrymarum pane pascatur. Fit itaque vallis lachrymarum, dum se humiliter sentiens, affatim abundant uberrate fletuum. Et habet hoc irriguum superius, quo mortua mundo suaviter & dulciter pascitur, quia per irriguum inferius emundata jam cœlestium contemplatione ineffabiliter delectatur. Hæc duo irrigua, duæ olivæ sunt, & duo candelabra lucentia ante Deum. Sunt hæc duo luminaria, duo altaria, duo exploratores, duo cherubim, duo ostiola, duo ubera: testamenta duo, hirci duo, leones duo, minuta duo, tabulæ duæ, columnæ duæ, sorores duæ, manus duæ, & si qua sint binaria, quæ his consonantia opinionaliter queant inveniri. In talibus suspiriis, gemitu ac fletu, ac conyalle lachrymarum *ad te clama-  
mus exules filij Eva: Domina rerum, Sancta Sanctorum, virtus  
nostra & refugium: decus mundi, gloria cœli: præelecta ut sol,  
pulchra lunaris ut fulgor, agnosce omnes te diligentes. Audi nos: nam  
te Filius nihil negans honorat. Et tu salvanos Domine Iesu, pro qui-  
bus Virgo Mater te orat, cuius regnum & imperium sine fine per-  
manet in secula seculorum, Amen.*

## S E R M O IV.

In Antiphon, S A L V E R E G I N A.

*Tom. s. pagin. 292.*

*Ante pererratis amborum finibus exul,*

*Aut Ararim Parthus bibet, aut Germania Tigrim,*

*Quam*